

Nyenzo kwa ajili ya Jamii Jimbo la New York

Mwongozo wa Rasilimali na Taarifa
kwa wahamiaji New York
Machi 2026



Shirikisho la Wahamiaji New York wameandaa nyenzo hii ili kuwasaidia wanajamii, wadau wetu na wanaofanya kazi pamoja nao. Nyenzo hii inaboreshwa mara kwa mara kwa kutegemeana na mabadiliko ya sera na sheria.

Taarifa ilisasishwa mara ya mwisho: 3.12.2026

Yaliyomo

- Afya **3**
- Habari za sera za uhamiaji **5**
- Taarifa na Rasilimali kuhusu Kuwekwa Kizuizini **8**
- Rasilimali kwa ajili ya familia **9**
- Shule na elimu **10**
- Uwezeshwaji wa Kiuchumi **11**
- Demokrasia **12**
- Fahamu Haki Zako **13**
- Usalama wa Jamii **14**
- Taarifa zinazopatikana NYS **15**

Bima ya afya

- Wakazi wa New York wanaweza kupata bima ya afya ya umma na bima ya afya ya kampuni binafsi kupitia NY State of Health.
 - Ukikidhi vigezo kwa kuwa na Medicaid, Essential Plan au Child Health Plus, kipindi cha kujiandikisha kiko wazi mwaka mzima.
 - Ukipata bima ya afya ya kampuni binafsi kupitia soko la mtandao la ACA (marketplace), kipindi cha kujiandikisha kimeshafungwa.
- Jinsi ya Kujiandikisha
 - Pata msaada wa bure wakati wa kujiandikisha kutoka kwa Navigator, ana kwa ana au kupitia simu. Tafuta Navigator hapa: info.nystateofhealth.ny.gov/ipanavigatorsitelocations
 - Pigia simu Kituo cha Kuwahudumia Wateja cha NY State of Health [1-855-355-5777](tel:1-855-355-5777) (TTY: [1-800-662-1220](tel:1-800-662-1220)).
 - Mtandaoni katika nystateofhealth.ny.gov. Kipengele cha ku-chat kinapatikana kwenye tovuti wakati wa masaa ya biashara kwa ajili ya kukusaidia kukamilisha fomu yako ya maombi.
 - Wakazi wa New York City: piga 311, tuma SMS inayosema “CoveredNYC” kwenda 877-877, au tembelea on.nyc.gov/healthinsurance kwa msaada na taarifa zaidi.
- Pata taarifa kuhusu mafao ya bima ya afya kwa lugha mbalimbali hapa: info.nystateofhealth.ny.gov/InformationalMaterials



Mafao ya Medicaid kwa Wahamiaji Wasio na Vibali katika Jimbo la New York

- Wahamiaji wasio na vibali wanaoishi katika Jimbo la New York, kuwa na umri wa miaka 65 au zaidi, na kukidhi vigezo fulani vya mapato, wamekidhi vigezo vya mafao kamili ya Medicaid (tofauti na mafao ya dharura tu ya Medicaid)
- Watoto wasio na vibali vya makazi wenye umri wa chini ya miaka 19 wamekidhi vigezo vya mpango wa Child Health Plus (CHP), ambao unatoa mafao ya bima ya afya kwa bure au kwa bei ndogo, bila kujali mapato wala hali ya uhamiaji.
- Jinsi ya kujiandikisha
 - Ikiwa una Medicaid ya Dharura sasa hivi, unaweza kuhamia Medicaid ya kawaida kwa kufuata maelekezo uliyopewa kwenye barua kutoka NY State of Health.
 - Unaweza pia kuchagua kuendelea kupokea Medicaid ya dharura tu.
 - Kama huna bima ya afya, na bado hujapokea Medicaid ya Dharura, unapaswa kutuma maombi kupitia Idara ya Huduma za Jamii (DSS) au kupitia Utawala wa Rasilimali Watu New York (HRA).
 - Ukihitaji msaada au ukiwa na maswali, piga simu NY State of Health [1-855-355-5777](tel:1-855-355-5777). Huduma ya tafsiri inapatikana.

Vipimo vya Kansa/Saratani

- Vipimo vya kansa/saratani vinavyofuata mpango vinasaidia kugundua kansa/saratani mapema, inapokuwa rahisi zaidi kutibia.
- Mipango mingi ya bima ya afya inajumuisha vipimo vya kansa/saratani.
- Ikiwa huna bima ya afya, Jimbo la New York inatoa vipimo vya kansa/saratani vya bure kwa kansa/saratani ya matiti, shingo ya kizazi, na utumbo mpana na rektamu.
- Kwa taarifa zaidi, tembelea health.ny.gov/diseases/cancer/services

Lishe na Chakula Bora

- Programu ya Msaada wa Lishe ya Ziada (Supplemental Nutrition Assistance Program [SNAP/EBT/Hati za Chakula {Food Stamps}])
 - SNAP inatoa manufaa ya chakula kwa familia zenye mapato madogo ili waweze kununua chakula bora na vifaa vya kupikia.
 - Kwa taarifa zaidi kuhusu SNAP, kustahilika, na kutuma maombi, tembelea otda.ny.gov/snap
 - Taarifa mpya kuhusu mahitaji ya kazi
 - Jimbo la New York litaanza sasa kutekeleza mahitaji ya kazi kwa wote wanaopokea SNAP, wale wanaojiandikisha kwa mara ya kwanza pamoja na wanaofufua.
 - Kwa taarifa zaidi kuhusu mahitaji ya kazi, tembelea otda.ny.gov/programs/snap/work-requirements.asp
- Stoo za Chakula (food pantries)
 - Food pantry (stoo ya chakula) ni mahali ambapo watu wanaweza kupata chakula kwa bure ikiwa wanapata tabu ya kununua chakula cha kutosha kwa ajili yao au kwa ajili ya familia zao.
 - Kwa taarifa kuhusu food pantries zilizopatikana sememu mbalimbali za Jimbo la New York, tembelea health.ny.gov/prevention/nutrition/hpnap/regional_foodbank_map.htm



Chanjo

- Chanjo ni kifaa chenye nguvu kubwa sana kuinga afya na kuzuia maradhi makali. Chanzo zinafanyiwa utafiti na uangalizi kwa umakini, na zinashauriwa na wataalamu wa kitabibu wanaoaminika.
- Jimbo la New York na Akademia ya Marekani ya Matibabu ya Watoto zimetengeneza upya mapendekezo na miongozo yao kuhusu chanjo.
- Chanjo zinazopendekezwa ni Hepatitis A, Hepatitis B, Rotavirus, mafua (flu), Meningococcal (MenACWY), HPV, na UVIKO-19.
 - Kwa orodha ya chanzo zinazopendekezwa, tembelea bit.ly/vaccines26
- Mafao ya bima ya afya hayatarajiwi kubadilika kutokana na mapendekezo haya mapya. Inatarajiwa kwamba chanjo hizi zitaendelea kujumuishwa kwenye mafao ya mipango ya bima ya afya, ukiwemo Medicaid, hadi angalau mwisho wa 2026.
- Tegemea vyanzo vya taarifa vinavyoaminika, kama Idara ya Afya ya Jimbo la New York, au daktari wako, ili ufanye maamuzi mazuri kwa ajili yako na kwa ajili ya familia.
- Mlipuko wa Ugonjwa wa Surua na Chanjo ya Surua
 - Kumekuwa na milipuko mingi ya surua hivi karibuni. Surua ni ambukizo la kirusi ambalo ni hatari kubwa kwa watoto wadogo.
 - Chanjo ya surua, matumbwitumbwi, na rubela [MMR] inafaa sana kwa kuzuia surua.
 - Kwa taarifa zaidi, tembelea health.ny.gov/measles
- Kwa taarifa kwa ujumla kuhusu chanzo zote zipatikanazo, tafadhali utembelee health.ny.gov/immunization

Habari za sera za uhamiaji



Ada Mpya za Uhamiaji

- Baada ya mswada wa serikali ya shirikisho wa kodi na matumizi wa fedha ulisainiwa ili uwe sheria, ada nyingi za kutuma maombi ya uhamiaji zimebadilika au kuongezeka.
- Baadhi ya nyongeza hizi zinaanza Julai 22, 2025, na zingine zinaanza Agosti 21, 2025.
- Vilevile sera za kusamehewa ada zimezuiwa katika baadhi ya michakato ya kutuma maombi.
- Mabadiliko yanayoweza kuwaathiri wanaotuma maombi ni:
 - Ombi la Hifadhi (Asylum)
 - Ada iliopita: \$0
 - Ada Mpya: \$100
 - Pia kuna ada mpya ya kila mwaka jina lake 'asylum maintenance fee' yaani ada ya matengenezo ya hali ya hifadhi.
 - Haiwezekani kusamehewa ada hii.
 - Nyaraka za Ruhusa ya Kufanya Kazi (Employment Authorization Documents [EAD]) / Vibali vya Kazi vinavyohusika na Hifadhi
 - Ada iliopita: \$0
 - Ada Mpya: \$550 (kwa wanaotuma maombi kwa mara ya kwanza)
 - Ada Mpya: \$275 kwa kufufua
 - Hali ya Kulindwa kwa Muda (Temporary Protected Status [TPS])
 - Ada iliopita: \$50
 - Ada Mpya: \$550
 - Mhamiaji Kijana Maalumu (Special Immigrant Juvenile [SIJ])
 - Ada iliopita: \$0
 - Ada Mpya: \$250
 - Parole (msamaha wa muda dhidi ya kuondolewa)
 - Ada iliopita: Mbalimbali
 - Ada Mpya ya Ziada: \$1,000
 - Hii ada mpya ya ziada ni kwa watu ambao wamepewa hali ya parole na wanakuwepo Marekani sasa hivi.
 - Utalipia ada hii ya ziada ikiwa tu ombi lako la parole linakubaliwa. Usilipie ada ya ziada wakati wa kuwasilisha fomu I-131.
- Kwa orodha nzima ya ada za uhamiaji, na kuzilinganisha na ada zilizokuwepo kabla, utembelee immigrantjustice.org/research/explainer-trump-and-congress-punishing-new-immigration-fees

Kupanuka kwa Orodha ya Nchi za Kiislamu na Kiafrika Zenye Marufuku ya Kusafiri

- Juni 9, Utawala wa Trump ulitekeleza marufuku ya safari inayozuia kusafiri Marekani kwa watu kutoka kwa nchi 19
- Desemba 16, Utawala wa Trump ulipanua orodha yake ya nchi zenye marufuku ya kusafiri kutoka nchi 19 hadi nchi 39, pamoja na Palestina. Marufuku ya kusafiri iliopanuliwa, inayozingatia nchi za Kiislamu na Kiafrika, inazuia kuingia Marekani kimwili, pamoja na kufufua na kurefusha viza.
- Raia wa nchi zifuatazo wanaathirika: Afuganistani, Angola, Antigua na Barbuda, Benin, Burma (Myanmar), Burkina Faso, Burundi, Chad, Kodivaa, Cuba, Jamhuri ya Kongo, Ginekweta, Eritrea, Dominika, Gabon, Gambia, Haiti, Irani, Libya, Laos, Malawi, Mali, Mauritania, Nijeri, Nigeria, Palestina (wanaoshika Hati ya Kusafiri ya Mamlaka ya Palestina [Palestinian Authority Travel Document]), Senegal, Sierra Leone, Somalia, Sudan Kusini, Sudan, Siria, Tanzania, Tonga, Togo, Venezuela, Yemeni, Zambia, Zimbabwe
- Maombi ya uhamiaji ya watu kutoka nchi hizi yamesitishwa vilevile.
 - Huku kusimamisha kwa michakato ya uhamiaji kunaweza kuathiri maombi ya uraia na kuandikisha uraia (naturalization), vibali vya kazi, maombi ya mume / mke (spouse), kubadilisha kwa hali, parole na zaidi.
 - Serikali itayafanyia mapitio tena maombi ya uhamiaji ya watu kutoka nchi hizi walioingia Marekani tangu 2021, yakiwemo maombi ya hali ya mkimbizi, hifadhi, na kadi za kijani (green cards).
- Ikiwa anaathiriwa na marufuku ya kusafiri kwa Waislamu na Waafrika, uongee na mwanasheria wa uhamiaji.
- Ikiwa wewe unatoka nchi au eneo linaloathirika na marufuku ya kusafiri, itabidi uchukue tahadhari ikiwa unafanya mipango ya kusafiri. Ufikirie kwanza kuongea na mwanasheria wa uhamiaji ili uelewe vizuri hatari zilizo mbeleni kwako, kabla hujafanya mipango yoyote ya kutoka au kuingia Marekani.

Habari za sera za uhamiaji



Hatua Iliyohirishwa kwa Kuwasili kwa Utotoni (DACA)

- Sasa hivi, DACA inaamuliwa mahakamani. Inamaanisha kwamba bado hakuna uhakika kuhusu programu hiyo kwa siku za mbele.
 - Kwa taarifa zaidi, tembelea homeishere.us/daca-guidance
- Kwa mujibu wa amuzi la mahakama la hivi karibuni, lililotoka mnamo Machi 12, 2025, kutuma maombi ya DACA kungerusiwa kwa watu wayatumao kwa mara ya kwanza. Hata hivyo, bado hakuna mwongozo mpya kutoka kwa USCIS.
- Kama unakidhi vigezo vya DACA na unafikiria kutuma maombi kwa mara ya kwanza, uzungumze na mwanasheria wa uhamiaji anayeaminika kabla ya kutuma maombi.
- Kesi hiyo bado iko mahakamani, kwa hiyo inawezekana kuwa kutakuwa na mabadiliko mengine kwenye programu hiyo.
- Kwa sasa, Wizara ya Usalama wa Ndani (DHS) itaendelea kupokea na kujibu maombi ya DACA, pamoja na maombi ya vibali vya kazi na advanced parole (ruhusa ya kuingia Marekani tena ukitoka bila kuwa raia au kuwa na kibali cha makazi). DHS itapokea maombi ya awali ya DACA lakini haitayafanyia kazi kwa sasa.
 - Ikiwa wewe ni mnufaika wa DACA kwa sasa, unufaika wako ni halali.
 - Iwapo haki yako ya kupokea manufaa ya DACA yanaisha ndani ya miezi sita, ifufue tena leo!
 - Kama ulituma maombi ya kujiunga na programu ya DACA kwa USCIS kwa mara ya kwanza na bado hujajibiwa, fahamu kuwa mchakato huo ulisitishwa. Hautaendelea mpaka kipindi ambacho bado hakijafahamika.
- Wanufaika wa Hatua Iliyohirishwa kwa Kuwasili kwa Utotoni (DACA) wanaweza sasa kujaza Fomu I-821D (maombi ya kufufua DACA) na I-765 (maombi ya kufufua kibali cha kazi) mtandaoni.
 - Maombi ya mtandaoni yanapatikana kwa wale wenye DACA sasa hivi, au wale ambao wamepoteza uanachama wa DACA ndani ya mwaka mmoja uliopita.
 - Kwa taarifa zaidi kuhusu DACA na jinsi ya kufufua hali yako ya DACA, tembelea uscis.gov/DACA

Hali ya Kulindwa kwa Muda (TPS)

- Serikali ya Marekani inaweza kuchagua nchi fulani kwa ajili ya kutoa ulinzi wa kipindi kifupi (TPS) ikiwa vigezo fulani kama mapigano au maafa ya asili yanawazuia raia wa nchi hiyo kurejea salama.
- Katika kipindi hicho, watu wanaotuma maombi kwa ajili ya TPS na kupewa watapata yafuatayo:
 - Kutokufukuzwa nchini Marekani
 - Wanaweza kupata vibali vya kazi na namba ya usalama wa kijamii (SSN)
 - Wanaweza kupewa ruhusa ya kusafiri
 - Hawawezi kutiwa nguvuni na DHS kwa sababu ya hali yao ya uhamiaji
- TPS ni manufaa ya muda yasiyopelekea hali ya makazi ya kudumu. Hata hivyo, wenye TPS wanaweza kutuma maombi kwa ajili ya kupokea manufaa mengine yoyote ya wahamiaji au yasiyo ya wahamiaji mradi wawe wanakidhi vigezo.
- Kwa taarifa za nchi mahususi, vigezo vinavyohitajika, tarehe za usajili, na habari zaidi, tembelea uscis.gov/TPS.
- Waombaji wote wa TPS wanaweza sasa kutuma Fomu I-821, Ombi la Hali ya Kulindwa kwa Muda (Application for Temporary Protected Status), mtandaoni katika uscis.gov/I-821.
- Mapitio ya nchi zenye Hali ya Kulindwa kwa Muda (Temporary Protected Status [TPS]) yanayofanywa na Wizara ya Usalama wa Ndani (Department of Homeland Security [DHS]) yanaweza kusababisha mabatilisho ya hizo hali za TPS.
- Inashauriwa wanajamii waendeleo kufuata habari za hali ya TPS ya nchi zao, na kuwa na ujuzi kuhusu hali zao ni zipi.
- Ikiwa hali yako ya TPS inakwisha au imeshakwisha, uzungumze na mwanasheria wa uhamiaji ili ujue una machaguo gani na kuona kama unakidhi vigezo vya programu zingine.

Kusimamishwa kwa Kuyafanyia Kazi Maombi ya Hifadhi

- USCIS imetangaza kwamba haitafanya maamuzi yoyote kuhusu kesi mpya zozote za hifadhi, au kesi zozote za hifadhi zinazongoja uamuzi, wakati wa idara inafanyiwa ukadiriaji wa hatari ya usalama.
- USCIS inasema kwamba bado watapokea maombi mapya ya hifadhi, kufanya mahojiano ya hifadhi, na kubaki na maombi ya hifadhi yanayongoja uamuzi.
- USCIS imesema wazi kwamba haitafanya maamuzi ya mwisho kwa waombaji wowote, bila kujali nchi wanazotoka, hadi kusimamisha kumekwisha.
- Hajjulikani kusimamisha kutaendelea kwa muda gani.
- Hadi sasa, kusimamisha hakutarajiwi kuathiri maombi ya hifadhi katika mahakama za uhamiaji, lakini ukiwa na wasiwasi, inabidi uzungumze na mwanasheria wako mara moja.

Habari za sera za uhamiaji



ICE katika Mahakama za Uhamiaji

- Baadhi ya wahamiaji wanaohudhuria usikilizaji wa kesi zao za uhamiaji mahakamani wanawekwa kizuizini na ICE.
- Mahakamani, mwendesha mashtaka wa serikali anaweza kujaribu kufuta kesi yako. Ikiwa miaka miwili bado haijapita tangu ulipofika Marekani, na kesi yako inafutwa, inawezekana kwamba utakuwa hatarini maanake maafisa wa ICE wanaweza kukukamata na kukuondoa nchini kwa haraka. Mchakao huu unaitwa “expedited removal.”
- Jinsi ya kujilinda
 - Ikiwa unaweza, hudhuria usikilizaji wa kesi yako ya uhamiaji kupitia mtandao badala ya kwenda mahakamani penyewe.
 - Ikiwa unakidhi vigezo, hakikisha kwamba umefaili maombi yako ya hifadhi au maombi mengine kwa mahakama.
 - Ikiwa unawekwa kizuizini na unaogopa kurudishwa nchini kwako na/au kupelekwa nchini kengine, sema hii wazi kwa maafisa wa ICE na kwa maafisa wengine wowote wa uhamiaji.
 - Ikiwa maombi yako ya hifadhi yalikuwa mahakamni kesi yako ilipofutwa, haitatosha kukulinda. Lazima ueleze upya hofu yako ya mateso na unyanyasaji.
- Fahamu Haki Zako mahakamani:
 - Una haki ya kupinga ufutaji wa kesi yako kabla hakimu hajafanya maamuzi.
 - Unaweza kudai kwamba mwanasheria wa ICE awasilishe ombi lake la kufuta kesi kwa maandiko, ili uwe na muda wa kumweleza hakimu kwa nini unataka kuendelea na kesi yako na kutafuta msaada wa kisheria.
 - Ikiwa hakimu anafuta kesi yako, una haki ya kukata rufaa. Unaweza kukata rufaa maamuzi hayo kwa Bodi ya Kukata Rufaa za Uhamiaji (Board of Immigration Appeals [BIA]). Uhakikishe kumwambia hakimu ya uhamiaji kwamba unataka kukata rufaa.
 - Ikiwa unaogopa unyanyasaji au mateso ukirudishwa nchini kwako na/au kupelekwa nchini kengine, sema hii kwa hakimu katika usikilizaji.

Kufuta Hali Kabla Kesi Haijasikilizwa (Pretermission)

- Pretermission inamaanisha hakimu wa uhamiaji au mwanasheria wa serikali (mwendesha mashtaka) ameamua kukatalia au kufuta ombi lako la hifadhi kabla hujapata nafasi ya kueleza kesi yako kwa kirefu au kuonesha ushahidi mahakamani.
- Ikiwa mahakama inafuta ombi lako kabla hujapata nafasi ya kueleza kesi yako, usikilizaji wako wa mwisho utafutwa vilevile na hakimu ataitolea kesi yako amri ya kukuondoa nchini.
- Inawezekana kwamba mwanasheria wa serikali (mwendesha mashtaka) au hakimu wa uhamiaji atajaribu kufuta kesi yako kabla hujapata nafasi ya kueleza kesi yako endapo:
 - Anaamini kwamba ombi lako la hifadhi halina taarifa za undani za kutosha, au ombi halioneshi kwamba Anastahilika hifadhi.
 - Anaamini kwamba unapaswa kutafuta hifadhi nchini kwingine kutokana na makubaliano baina ya serikali ya Marekani na serikali ya nchi hiyo.
 - Hujalipa zile ada mpya zinazohitajika kama sehemu ya ombi lako la hifadhi.
- Hoja ya kufuta kesi yako kabla hujapata nafasi ya kueleza kesi yako (pretermission) inaweza kutolewa kwa mdomo au kwa maandiko.
 - Ikiwa ni hoja inayotolewa kwa mdomo, inawezekana kwamba mwanasheria wa serikali (mwendesha mashtaka) atamwomba hakimu afute ombi lako la hifadhi ukiwa hapo hapo mahakamani kwa ajili ya usikilizaji wa kesi.
 - Ikiwa na hoja inayotolewa kwa maandiko, itakutumiwa kupitia njia ya posta, kwa kutumia anuani ya hivi karibuni iliyo mwenye faili la mahakama.
- Ikiwa kesi yako inafutwa kwa namna hii ya pretermission, lazima uitikie hoja ndani ya siku 10.
- Ni muhimu kukumbuka:
 - Ikiwa mwanasheria wa serikali (mwendesha mashtaka) anajaribu kufanya hoja ya kufuta kesi yako kwa mdomo, unaweza kuomba mwanasheria awasilishe hoja kwa maandiko, ili uweze kuelewa na kuitikia vizuri zaidi.
 - Ikiwa mwanasheria wa serikali (mwendesha mashtaka) anasema kwamba anataka kukuondoa nchini na kukusafirishia nchi isiyo nchi yako ya nyumbani, na unaogopa kupelekwa hapo, unaweza kuwaambia hakimu na mwanasheria wa serikali kwa nini una hofu.
- Kwa taarifa zaidi kuhusu pretermission na mfano wa jinsi ya kuitikia, tembelea immigranthehelpny.zendesk.com/hc/en-us/sections/44001805530772-Pretermission-Resources

Taarifa na Rasilimali kuhusu Kuwekwa Kizuizini



Jinsi ya kuwa tayari kwa wewe na familia yako

- Ikiwa wewe si raia wa Marekani na una watoto, uwe na mpango iktokea unawekwa kizuizini na afisa wa ICE, CBP au wakala nyingine.
- Ili kuwa tayari, itabidi ufanye hivi:
 - Tunza vizuri nyaraka muhimu. Uziweke mahali ambapo wanafamilia wengine wataweza kuzipata kama watahitaji.
 - Amua ni nani ambaye ungetaka kuwatunza watoto wako usingeweza kufanya mwenyewe.
 - Umteue kisheria mtu awe mlezi wa watoto wako.
 - Njia mbili kuu za kumteua kisheria mtu awe mlezi ni:
 - Uteuzi wa Mtu katika Uhusiano wa Mzazi (Designation of Person in Parental Relationship)
 - Uteuzi wa Mtu wa Kuwa Mlezi Ikitokea Dharura (Standby Guardianship)
 - Jaza fomu za ziada kwa ajili ya mtoto wako, ikiwemo Travel Authorization Form au School Emergency Contact Form
 - Unaweza kufikiria pia kujaza fomu ya Power of Attorney
 - Kwa taarifa zaidi, tembelea vlpcny.org/get-help/immigration/planning-for-immigrant-parents

Jinsi ya kuwasiliana na watu ukiwekwa kizuizini

- Ikiwa unawekwa kizuizini na afisa wa uhamiaji, polisi, au afisa wa chombo kingine cha dola, una haki fulani, ikiwemo haki ya kuwasiliana.
- Una haki ya kupiga simu, mfano kumpigia simu mwanafamilia, mwanasheria au ubalozi.
- Unaweza kupiga simu namba maalumu kwa watu wahamiaji wanaowekwa kizuizini ili upate taarifa zaidi pamoja na rasilimali.
 - Kupiga simu Namba Maalumu ya Kitaifa ya Utetezi wa Wahamiaji, piga [9233#](tel:9233) kutoka kwa simu ya mahali ambapo umewekwa kizuizini. Namba maalumu hiyo ni bure, mazungumzo hayasikilikzwi, na huduma zinapatikana Jumatatu hadi Ijumaa, kuanzia saa tano asubuhi hadi saa tano usiku (11am-11pm).
 - Kupiga simu namba maalumu ya Haki kwa Familia za Wahamiaji (Justice for Migrant Families), inayopatikana kwa wanaowekwa kizuizini Kituo cha Serikali ya Shirikisho cha Buffalo (Buffalo Federal Detention Facility), piga [716-427-4917](tel:716-427-4917), Jumatatu hadi Alhamisi, kuanzia saa nane mchana hadi saa kumi mchana (2pm-4pm) na kuanzia saa kumi na mbili jioni hadi saa mbili usiku (6pm-8pm).

Jinsi ya kumsaidia mtu aliyewekwa kizuizini

- ICE inaweza kuwaweka kizuizini watu wasio raia katika vituo vinavyoendeshwa na ICE, katika jela, na katika vituo vya kizuizini vinavyoendesha na kampuni binafsi.
- Mfumo wa kizuizini kwa wahamiaji si rahisi kuelewa wala kushughulikia. Kwa sababu hii ni ngumu kumtafuta na kuwasiliana na ndugu yako mpendwa ambaye yuko kizuizini.
- Kumtafuta mtu ambaye yuko kizuizini kwa ICE sasa hivi:
 - Nenda locator.ice.gov na ingiza taarifa zifuatazo:
 - Jina, nchi ya kuzaliwa, na tarehe ya kuzaliwa, au
 - Namba ya "A" (A-number) ya tarakimu tisa
 - Kifaa cha ICE cha kutambua mahali (locator) kinapaswa kuonesha mahali anapowekwa kizuizini mtu mhusika. Lakini inaweza kuchukua muda kabla mtu mhusika hajaonekeana kwenye mfumo.
 - Ukidhani kwamba ndugu yako mpendwa yuko kizuizini kwenye kituo mahususi cha ICE, unaweza pia kumtafuta kupitia:
 - Kumtafuta katika accesscorrections.com. Jina lake likionekana, kuna uwezekano mkubwa kwamba yuko kizuizini kwenye kituo hicho ulichochagua.
 - Kuwasiliana na kituo fulani moja kwa moja kupitia ice.gov/detention-facilities
 - Ikiwa huwezi kumpata mtu mhusika kwa kutumia mifumo hii ya mtandao, unaweza kuwasiliana na ofisi ya ICE aina ya Nyendo za Utekelezaji na Ufukuzaji (Enforcement and Removal Operations [ERO]): ice.gov/contact/field-offices
 - Kwa taarifa zaidi kuhusu kumtafuta mtu ambaye amekamatwa au kuwekwa kizuizini kwa wahamiaji, tembelea nilc.org/resources/how-to-find-a-loved-one-after-a-u-s-immigration-arrest/
 - Rasilimali hii inapatikana katika lugha 9, zikiwemo Kiingereza, Kiarabu, Kichina, Krioli ya Haiti, Kikorea, Kitagalog, Kivietnam na Kihispania.
- Kutafuta tarehe ya kwenda mahakamani, pamoja na mahali:
 - Tembelea acis.eoir.justice.gov na kuingiza namba ya "A" ya tarakimu tisa, au
 - Piga simu [1-800-898-7180](tel:1-800-898-7180) na fuata maelekezo.
- Kupata msaada wa kisheria:
 - Kupata mashirika yasiyo ya faida yanayotoa huduma za kisheria kuhusu uhamiaji, kwa bure au kwa bei nafuu, tembelea immigrationadvocates.org/legaldirectory
 - Piga simu Mradi wa Kuwatetea Wahamiaji (Immigrant Defense Project) katika [212-725-6422](tel:212-725-6422)
- Kupata msaada wa kulipa dhamana:
 - Ikiwa ndugu yako mpendwa amepewa dhamana asiyoiveza, inawezekana kwamba anaweza kupata msaada kutoka kwa mfuko fulani wa kulipia dhamana.
 - Kwa taarifa kuhusu dhamana katika jimbo la New York, tembelea envisionfreedom.org/get-support
 - Kwa orodha ya mifuko maalumu ya kulipia dhamana katika sehemu mbalimbali nchini, tembelea bit.ly/localbailfunds

Rasilimali kwa ajili ya familia

Msaada wa Huduma za Kuangalia Watoto wa Promise NYC

- Mwezi Januari 2023, Jiji la New York lilizindua Promise NYC, programu mpya itakayotoa msaada wa gharama za kuangalia watoto kwa familia zenye mapato madogo za watoto wasio na vibali vya kuishi Marekani au wasio raia, ambao hawakukidhi vigezo kabla kwa sababu ya kukosa vibali vya uhamiaji.
- Programu imefufuliwa na itawasaidia zaidi ya watoto 1,000 kuanzia Julai 2025 hadi Juni 2026.
- Familia zinaweza kukidhi vigezo ikiwa:
 - Hazikidhi vigezo vya kupata msaada wa programu zingine
 - Zina mtoto mwenye umri wa miaka 0-13
 - Zina mapato ya kaya chini ya 300% ya kiwango cha umasiki cha serikali ya shirikisho
- Familia zinahamasishwa kutuma maombi kwa haraka kwa mashirika ya kijamii yafuatayo yanayohudumia serikali zao za mitaa (borough)
 - Bronx and Manhattan: Northern Manhattan Improvement Corporation ([212-822-8300](tel:212-822-8300), nmic.org/promisenc)
 - Brooklyn: Center for Family Life ([718-438-9500](tel:718-438-9500), centerforfamilylife.org)
 - Staten Island: La Colmena ([718-442-7700](tel:718-442-7700), lacolmenanyc.org)
 - Queens: Chinese-American Planning Council ([718-358-8899](tel:718-358-8899), cpc-nyc.org)
- Tafadhali zingatia kwamba nafasi za Promise NYC ni adimu sana, na tunahamasisha familia kujiandikisha kwenye orodha ya wanaosubiri ili ziwe tayari nafasi mpya zikipatikana.



Programu ya Msaada wa Gharama za Huduma ya Kuangalia Watoto

- Familia sasa zinakidhi vigezo vya kupata msaada wa gharama za huduma za kuangalia watoto ikiwa mapato yao ni 85% ya wastani wa mapato ya jimbo au chini yake.

- Familia itakuwa inakidhi vigezo ikiwa na mapato ya mwaka yasiyozidi:
 - \$73,896 kwa familia ya watu wawili
 - \$91,250 kwa familia ya watu watatu
 - \$108,631 kwa familia ya watu wanne
 - \$126,012 kwa familia ya watu watano
 - \$143,393 kwa familia ya watu sita
- Gharama haitazidi 1% ya mapato kamili ya familia ambayo yako juu ya kiwango cha umaskini kwa familia zinazoshiriki.
- Idadi ya siku anazoruhusiwa kukosa huduma kwa kutokuhudhuria kituo cha kuangalia watoto ni siku 80.
- Kwa taarifa zaidi na kuona kama utaweza kupata msaada wa kuangalia watoto kwa gharama ndogo au bila gharama, tembelea ocfs.ny.gov/ccap.

Mapumziko Yaliyolipiwa kwa ajili ya Mama Wajawazito katika Jimbo la New York

- Kuanzia Januari 1, 2025, Jimbo la New York litaanzisha Mapumziko Yaliyolipiwa kwa Akina Mama Wajawazito (Paid Prenatal Leave).
- Mkazi yeyote wa New York aliyejiririwa katika sekta binafsi ataweza kupata masaa 20 ya nyongeza yaliyolipiwa kwa ajili ya mapumziko ya kuugua wakati wa ujuzito.
- Muda wa huduma ya afya kwa ajili ya akina mama wajawazito ni nyongeza ya muda wanaoweza kuchukua kupumzika wakiugua, na hauhitaji kulimbikizwa. Hupatikana mara tu mwajiriwa anapoanza kazi.
 - Mapumziko yaliyolipiwa ya akina mama wajawazito ni tofauti na mapumziko yanayotolewa jimboni New York kwa mtu aliye mgonjwa pamoja na aina nyingine za mapumziko au mafao.
 - Waajiri hawawezi kuwalazimisha wafanyakazi kutumia aina zingine za mapumziko kabla ya kutumia mapumziko yaliyolipiwa ya akina mama wajawazito au kuchagua aina moja ya mapumziko badala ya nyingine.
- Wafanyakazi wanaweza kutumia mapumziko ya aina hii kwa ajili ya mimba tofauti ndani ya mwaka mmoja. Hata hivyo, hawawezi kutumia zaidi ya masaa 20 ya mapumziko ya aina hii ndani ya kipindi cha wiki 52.
- Mapumziko yaliyolipiwa ya akina mama wajawazito yanawahusu wafanyakazi wote katika sekta binafsi bila kujali nafasi yao ya kazi, tasnia, ikiwa wameajiriwa kwa chini ya masaa 40 kwa wiki au ikiwa hawapati malipo ya ziada kwa kazi izidiyo masaa 40 kwa wiki.
- Huduma za akina mama wakati wa ujuzito zinahusisha pia huduma ya kupandikiza mimba pamoja na kutoa mimba.
- Kwa taarifa zaidi, tembelea ny.gov/prenatal.

Shule na elimu



Mfumo wa Shule za Umma (3K-12)

- Jimbo la New York linahakikisha kuwa kila mtoto, bila kujali hali ya uhamiaji, ana haki ya elimu bure na yenye ubora, kuanzia elimu ya awali hadi aidha anapopokea shahada ya shule ya sekondari, au kufikia kikomo cha umri katika mwisho wa mwaka wa shule ambao mwanafunzi atatimia miaka 21.
- Familia zinahakikishiwa haki ya kupata tafsiri na huduma za ukalimani kwa hati zote zenye taarifa muhimu zinazohusu elimu ya mtoto, ndani ya muda uliopangwa.
- Wanafunzi wanaweza kutuma maombi na kujiandikisha kwenye shule za umma za Jimbo la New York wakati wowote ndani ya mwaka, ila machaguo yanaweza kuwa machache nje ya kipindi cha kawaida cha kujiandikisha.
- Shule za umma haziwezi kuulizia hali ya uhamiaji na hazitatoa taarifa za wanafunzi kwa programu yoyote ya shule ya kutwa (day school). Baadhi ya programu za watoto wadogo, zinazoendeshwa kwa masaa mengi kuliko kawaida, zinaweza kuweka kigezo cha uraia au kuangalia ukubwa wa mapato.
- Taarifa za Shule za Umma za Jiji la New York
 - Kwa taarifa kuhusu jinsi ya kuomba huduma za tafsiri ya ukalimani katika Shule ya Umma ya Jiji la New York, tembelea schools.nyc.gov/hello au piga [718-935-2013](tel:718-935-2013).
 - Kwa taarifa kuhusu mchakato wa ruhusa ya kuingia, tembelea schools.nyc.gov/enrollment/enrollment-help/new-students.
 - Kutafuta Shule ya Umma ya Jiji la New York na kutuma maombi ya udahili, piga [311](tel:311), au tembelea Kituo cha Kukaribisha Familia (Family Welcome Center) kwa msaada. Mahali pa Vituo vya Kukaribisha Familia panapatikana katika schools.nyc.gov/fwc.
 - Vipindi cha kujiandikisha vinatofautiana kutegemea darasa/kidato. Kuona Ratiba ya Udahili kwa Msimu wa Fall 2024 (Fall 2024 Admissions Timeline), tembelea schools.nyc.gov/enroll.

Kupigwa Marufuku kwa Simu za Mikononi katika Shule za Umma

- Jimbo la New York lilipitisha sheria mpya Mei 2025 inayowekea kikomo matumizi ya simu za mikononi aina 'smartphone' na vyombo vingine vyenye intaneti kwa wanafunzi, wakati wa kuwepo shuleni.
- Wanafunzi wanaweza kuruhusiwa kutumia simu au vyombo vyao vyenye intaneti ikiwa vinahitajika kwa ajili ya tafsiri, fasiri, matumizi ya kitabibu, au dhurura za kifamilia
- Wazazi bado watakuwa na njia ya kuwasiliana na wanao wakiwa shuleni kupitia watumishi wa shule.

Msaada wa Kifedha wa Chuo

- Msaada wa Kifedha kwa Chuo: Toolkit (mkusanyiko wa zana) ya Shule ya Sekondari inawatolea wanafunzi wa shule za sekondari mwongozo wa kutuma maombi ya aina mbalimbali za msaada wa kifedha katika Jimbo la New York, mfano Programu ya Msaada wa Ada ya Jimbo la New York (NYS Tuition Assistance Program [TAP]), Sheria ya DREAM ya Jimbo la New York, na "Alternative Pathway" (yaani "Njia Nyingine"), programu ambazo zinawasaidia wanafunzi kutoka familia maskini na wanafunzi wasio na vibali vya makazi ili wapate hiba (grant) na ufadhili kulipia chuo.
 - Kwa taarifa zaidi tembelea newyork.edtrust.org/fafsatoolkit
- Programu za msaada wa kifedha katika Jimbo la New York
 - Msaada wa kulipa ada (TAP) unawasaidia wakazi wa New York wanaokidhi vigezo kulipia ada katika shule zilizoidhinishwa katika jimbo la New York.
 - Kwa mwaka, msaada wa TAP unaweza kufikia \$5,665. Kwa kuwa TAP ni ruzuku, si lazima kuirudisha.
 - Kwa taarifa zaidi au ili kutuma maombi, tembelea hesc.ny.gov/tap
 - Udamini wa Excelsior
 - Udamini wa Excelsior, pamoja na programu zingine za msaada wa kifedha kwa wanafunzi, unawaweesha wanafunzi kusoma vyuo vya SUNY au CUNY bila kulipia ada.
 - Wanafunzi ambao familia zao zina mapato ya mwaka ya \$125,000 au chini ya hapo wanakidhi kigezo cha kutuma maombi.
 - Kwa taarifa zaidi au kutuma maombi, tembelea hesc.ny.gov/excelsior
 - Sheria ya DREAM ya Seneta José Peralta ya Jimbo la New York inawapa wanafunzi wasio na vibali vya makazi pamoja na wanafunzi wengine, fursa ya kupata ruzuku zinazotolewa na NYS au ufadhili wa masomo kwa ajili ya kulipia gharama za elimu ya juu.
 - Kwa taarifa zaidi au kutuma maombi, tembelea hesc.ny.gov/dream

Uwezeshwaji wa Kiuchumi

Kufaili kodi katika 2026

- IRS (Mamlaka ya Mapato) inapokea na kuzifanyia kazi sasa fomu za mwaka wa kodi 2025.
- Makataa ya kufaili kodi ni Aprili 15, 2026.
- Watu wengi wanaofanya kazi Marekani wanapaswa kufaili fomu za kodi.
 - Kuangalia kama unahitaji kufaili kodi za serikali ya shirikisho (federal taxes), tembelea irs.gov/individuals/check-if-you-need-to-file-a-tax-return
 - Kuangalia kama unahitaji kufaili kodi za jimbo (state taxes) kwa Jimbo la New York, tembelea tax.ny.gov/pit/file/do_i_need_to_file.htm
- Unahitaji msaada na kufaili kodi zako?
 - Unaweza kupata msaada wa bure wa kutayarisha kodi zako kutoka wafanyakazi wa kujitolea wanaohibitika na IRS, kupitia programu za Volunteer Income Tax Assistance (VITA), Tax Counseling for the Elderly (TCE), na Tax-Aide.
 - Huduma hizi zinapatikana ikiwa mapato yako ni \$69,000 kwa mwaka au chini, una umri wa miaka 60 au zaidi, una ulemavu, au ukiongea Kiingereza kidogo tu.
 - Kwa taarifa zaidi na kupata mahali pa hapo karibu, tembelea irs.gov/VITA
 - Unaweza kuunganyika na wafanyakazi wa kujitolea wanaohibitika na IRS kupitia mtandano, ikiwa unatayarisha kodi zako kwa kutumia GetYourRefund.org
 - Hudumu hii ni bure ikiwa mapato yako ni \$69,000 kwa mwaka au chini, na ni njia nzuri ya kutayarisha kodi ikiwa una mazoeo ya kutumia teknolojia kama kompyuta na tovuti za mtandao.
 - Unaweza kutayarisha na kufaili kodi zako mwenyewe kupitia IRS Free File katika irs.gov/freefile
 - Ikiwa mapato yako ni \$89,000 kwa mwaka au chini, unaweza kupata msaada na kutayarisha kodi kutoka kwa mshauri.
- Uwe mwangalifu kuhusu utapeli! Wakala ya IRS haitawasiliana nawe na kuuliza kuhusu taarifa zako za kifedha au taarifa zako binafsi kupitia ujumbe wa simu, baruapepe au mitandao ya kijamii.
 - Jifunza kuhusu utapeli wa kodi wa hivi karibuni, na namna ya kuutambua na kuurepoti katika irs.gov/alerts

Kuongezeka kwa mafao ya mtoto ya Jimbo la New York (Empire State)

- Familia zote zilizo na watoto wa umri chini ya miaka 17 zinazowasilisha fomu za kodi zinakidhi vigezo vya kupata mafao ya Empire State child credit, ambayo ni nyongeza inayotolewa na jimbo la New York kwa mafao ya serikali ya shirikisho ya Child Tax Credit.
- Ikiwa una mtoto chini ya umri wa miaka 17, unafaili kodi, na kuishi Jimbo la New York wakati wote (au kama umemwoa au kuolewa na mtu anayekaa New York wakati wote), unakidhi vigezo vya kupokea mafao haya ya kodi utakapofaili kodi msimu ujao.
- Mafao ya 2025 ni:
 - 1000 USD kwa kila mtoto anayekidhi vigezo chini ya umri wa miaka minne; pamoja na
 - 330 USD kwa kila mtoto anayekidhi vigezo mwenye angalau umri wa miaka minne lakini umri mdogo zaidi kuliko kiaka 17.
- Kwa taarifa zaidi kuhusu mafao ya mtoto ya Empire State, tembelea tax.ny.gov/pit/credits/empire_state_child_credit.htm.



Nyongeza ya Kiasi cha Manufaa ya Bima ya Kukosa Ajira

- Kuanzia Oktoba 6, 2025, kikomo cha juu cha kiasi cha manufaa kitaongezeka kutoka \$504 kwa wiki hadi \$869 kwa wiki. Manufaa haya ni kwa wafanyakazi waliopoteza ajira kwa makosa yasiyo yao, ambao wako tayari kufanya kazi, na kutaka na kuweza kufanya kazi vilevile.
 - Kiasi kipya kitakokotolewa chenyewe kufuatana na mapato yako ya jumla yaliyoripotiwa awali.
 - Nyongeza ya kiasi cha manufaa itaanza wiki ya Oktoba 13. Hakuna kitu unachohitaji kufanya ili upokee hii nyongeza.
 - Kupata makadirio ya manufaa yako ya kila wiki ya bima ya kukosa ajira, tembelea ux.labor.ny.gov/benefit-rate-calculator
- Kuanzia Oktoba 1, 2025, wafanyakazi wakiwa wanagoma wanastahiki manufaa ya bima ya kukosa ajira baada ya kipindi cha wiki mbili.
 - Kwa taarifa zaidi, tembelea dol.ny.gov/system/files/documents/2025/09/p835-ui-and-strikes-9-25.pdf
- Kujifunza zaidi kuhusu kutuma maombi ya mafao ya kukosa ajira, tembelea ny.gov/services/get-unemployment-assistance

Demokrasia

Jiandikishe kupiga kura

- Unaweza kujiandikisha kupiga kura iwapo una miaka 16+, raia wa Marekani na mkazi wa NY kwa angalau siku 30 kabla ya siku ya uchaguzi.
 - Ikiwa una umri wa miaka 16 au 17, unaweza kujiandikisha mapema lakini huwezi kupiga kura mpaka ufike miaka 18.
 - Huwezi kujiandikisha kupiga kura ukiwa jela kwa kosa la uhalifu au ikiwa mahakama imeamua kuwa huna uwezo kutokana na kuwa na ugonjwa wa akilii.
- Bodi ya Uchaguzi ya NYS: elections.ny.gov/VotingRegister.html
- Bodi ya Uchaguzi ya NYC: vote.nyc/page/register-vote
- Jiandikishe mtandaoni (ikiwa una leseni ya udereva ya NYS, Kibali au Kitambulisho Kisicho cha Udereva) : voterreg.dmv.ny.gov/MotorVoter
- Jiandikishe kwa nakala ngumu kupitia simu (Kwa Kiingereza au Kihispania): 1-800-FOR-VOTE (1-800-367-8683)
- Huna uhakika kama umejiandikisha kupiga kura? Hakikisha kwa kuangalia voterlookup.elections.ny.gov



Haki zako katika Kituo cha Kupiga Kura

- Wapiga kura wanaweza kutumia kituo CHOCHOTE cha kupiga kura katika kaunti wanayoishi, isipokuwa New York City, ambapo kila mpiga kura ameadikishwa kwa anuani kupiga kura sehemu moja tu.
- Iwapo unadhani kuwa unastahili kupiga kura na umejiandikisha kwa wakati, lakini jina lako halijaonekana kwenye orodha ya wapiga kura, unaweza kuomba kupiga kura kwa kutumia kura ya muda (provisional ballot) au kura ya afidaviti (affidavit ballot).
- Huhitaji kuonesha kitambulisho wakati wa kupiga kura hata kama ni mara yako ya kwanza kupiga kura.
- Unaweza kupiga kura hata kama huna makazi maalumu ya kuishi.
- Katika mazingira fulani, unaweza kupiga kura hata kama umewahi kuhukumiwa kwa kosa kubwa la uhalifu.
- Kufahamu zaidi nani anaweza kupiga kura: www.nycvotes.org/how-to-vote/voting-rights
- Baadhi ya wafanyakazi wa Jimbo la New York wanaweza kupewa hadi masaa mawili ndani ya muda wa kazi bila kuathiri malipo yao ili wakapige kura. Angalia kama unastahili: www.elections.ny.gov/NYSBOE/elections/TimeOffToVoteFAQ.pdf

Kujifunza zaidi kuhusu jinsi mifumo yetu ya uchaguzi inavyofanya kazi, tazama video zetu hapa: nyc.me/civics

Fahamu Haki Zako



Wanajamii na wadau wanapaswa kujua haki zao wanapokutana na wafanyakazi wa Utekelezaji wa Sheria za Uhamiaji na Forodha (ICE), Ofisi ya Udhhibiti wa Mipaka (Border Patrol), au chombo kingine cha dola.

Ukisimamishwa na afisa uhamiaji au mtu kutoka kwa chombo kingine cha dola, kumbuka:

- Tulia. Usikimbie. Usikatae au kumzuia afisa kukukamata, kukusimamisha n.k.
- Usidanganye au kutoa hati zilizoghushiwa.
- Una haki ya kukaa kimya. Chochote utakachosema kitaweza kutumika dhidi yako
- Afisa akiomba kukukagua au kukagua vitu ulivyonavyo, una haki ya kusema hapana.
 - Hata hivyo, hupaswi kukataa kwa kutumia nguvu
 - Polisi wanaweza kukagua mwili wako kwa kukupapasa iwapo wanahisi una silaha.
- Ikiwa wewe sio raia wa Marekani na afisa wa uhamiaji anataka kuona hati zako za uhamiaji, ni lazima umuoneshe ikiwa unavyo pamoja nawe.
- Ukisimamishwa, kutiwa nguvuni au kunyanyaswa na dola, jitahidi kupata taarifa za afisa huyo ikiwemo jina, namba, na taarifa yoyote inayomtambulisha.
- Wewe au mtu mwingine katika jamii anaweza kurekodi video au sauti ya kinachoendelea unapokutana na afisa wa chombo cha dola. Unaweza pia kuandika kilichojiri baada ya wao kuondoka.
- Ni kinyume cha sheria kwa afisa wa chombo cha dola kukusimamisha, kukukagua, kukutia nguvuni au kukurudisha nchini kwako kwa sababu ya uasili, utaifa, dini, au jinsia.

Unaweza kutoa taarifa kuhusu tukio linalohusu maafisa wa shirikisho kwa Mradi wa Kuwalinda Wahamiaji (Immigrant Defense Project – IDP).

IDP pia inatoa taarifa za kisheria na rufaa kwa wahamiaji waliokamatwa, kupewa tiketi, au kukutwa na hatia. Piga simu [212-725-6422](tel:212-725-6422) au tuma barua pepe info@immdefense.org.

Sehemu za Faragha

- Nyumbani kwako pamoja na “sehemu zingine za faragha” (kama sehemu za wafanyakazi tu katika eneo lako la kazi) kuna ulinzi maalumu tofauti na sehemu zinazotumika na umma kwa ujumla. Maafisa wanaweza kuingia sehemu za faragha iwapo tu wana idhini yako au wamekuonesha hati ya mahakama (iliyowekwa saina na hakimu).

Maeneo Yanayolindwa

- Januari 2025, utawala wa Trump ulifuta sera ya siku nyingi iliyoelekeza maafisa wa ICE na CBP kutofanya shughuli zao za utekelezaji katika “mahali maalumu” au “mahali panapolindwa,” mifano shule, hospitali na vituo vya afya, na sehemu za abudu kama makanisa na misikiti.
- Licha ya mabadiliko haya, wakazi wa New York bado wana ulinzi fulani katika sehemu hizo maalumu na za kulindwa.
- Amri ya Mtendaji wa Jimbo la New York kutoka 2018 inakataza shughuli za utekelezaji wa uhamiaji katika majengo ya jimbo la New York kama shule za umma au hospitali, isipokuwa afisa wa ICE ana hati ya mahakama.
- Sheria ya Linda Mahakama Zetu (Protect Our Courts Act) inalinda wakazi wa New York kutoka kukamatwa katika mahakama za jimbo, jiji ni manispaa bila hati ya mahakama.
- Maafisa wa ICE na maafisa wengine hawawezi kuingia “maeneo ya faragha” bila hati ya mahakama au ruhusa ya mmiliki.

Jihadhari na Utapeli unaowalenga Wahamiaji

- Sheria za Uhamiaji zina mambo mengi. Kuwa mwangalifu unapojadiliana na mtu yeyote kuhusu suala lako
- Zungumza na mwanasheria tu au mwakilishi wa Department of Justice (DOJ) kwa ushauri wa kisheria kuhusu suala lako.
- Usikubali kupata msaada wa kisheria kutoka kwa ‘notario’, wakala wa safari, afisa wa kodi, afisa wa masjala, au notary. Nchini Marekani, ‘notario’ siyo mwanasheria.

Ikiwa unahitaji msaada kuhusu kesi yako au una maswali ya jumla kuhusu uhamiaji, piga simu ya bure Ofisi ya Wamarekani Wapya [1-800-566-7636](tel:1-800-566-7636).

Usalama wa Jamii



Kila mtu, bila kujali utambulisho wake au iwapo ana vibali vya makazi au la, anastahili kuwa salama kwenye jamii yake.

Ubaguzi na Uhalifu unaotokana na chuki

- Uhalifu wa chuki ni kosa linalosukumwa na ubaguzi kwa sababu ya uasili, rangi, utaifa, jadi, jinsia, dini, imani, umri, ulemavu au mweleko wa kijinsi.
- Jimbo la New York lina Tume Maalumu ya Kudhibiti Uhalifu wa Chuki ili kukabiliana na ongezeko la matukio yanayoripotiwa ya matishio yanayosukumwa na ubaguzi, unyanyasaji na vurugu.
- Ukishuhudia tukio au ikiwa wewe ni mhangwa wa uhalifu wa chuki:
 - Toa taarifa kwa Divisheni ya Haki za Binadamu NYS. Piga simu [1-888-392-3644](tel:1-888-392-3644), tuma ujumbe mfupi "HATE" kwenda [81336](https://forms.ny.gov/s3/Hate-Crime-Tips), au tembelea forms.ny.gov/s3/Hate-Crime-Tips. Tembelea dhr.ny.gov kwa taarifa zaidi.
 - Kuripoti uhalifu wa chuki ukiwa unatokea au hali yoyote ya hatari, piga 911 haraka.
- Uhalifu wa chuki ukiripotiwa, taarifa zote kuhusu uliyopitia, utambulisho wako na wa wengine unabaki kuwa siri.
- Unaweza kutoa taarifa kuhusu uhalifu wa chuki na kupewa huduma bila kujali iwapo una vibali vya makazi au la.

Rasilimali za Kijamii

- Ofisi ya Kuzuia Uhalifu wa Chuki ya Jiji la New York inatoa huduma, taarifa, na msaada kwa wanajamii na mashirika mbalimbali. Taarifa zinapatikana katika lugha mbalimbali. Kwa taarifa zaidi, tembelea nyc.gov/stophate
- Kituo cha Kutoa Elimu ya Kuzuia na Kupambana na Vurugu kinafanya kazi ya kuzuia, kupambana na kuponya jamii ya New York na uhalifu wa chuki. Wana programu za elimu ya kujilinda, warsha zinazowalenga washuhudiaji, na kuwawezesha vijana. Piga [1-718-788-1775](tel:1-718-788-1775) au tembelea caeny.org kwa taarifa zaidi.

Mitandao ya Kijamii Unayoweza kujiunga

- AAPI
 - Asian Americans for Equality: [212-979-8381](tel:212-979-8381), aafe.org
 - Chhaya for South-Asian and Indo-Caribbean communities: [718-478-3848](tel:718-478-3848), chhayacdc.org
 - Korean Family Service Center: [718-460-3800](tel:718-460-3800), kafsc.org
 - Minkwon Center for Community Action: [718-460-5600](tel:718-460-5600), minkwon.org
 - National Federation of Filipino American Associations New York: [212-684-0542](tel:212-684-0542), naffaa.org
 - Sikh Coalition: [516-930-0302](tel:516-930-0302), sikhcoalition.org
- Waafrica
 - African Communities Together: [347-746-2281](tel:347-746-2281), africans.us
 - African Services Committee: [212-222-3882](tel:212-222-3882), africanservices.org
 - Sauti Yetu Center For African Women: [718-665-2486](tel:718-665-2486), sautiyetu.us
- Waarabu/Waislamu
 - Arab American Association of New York: [718-745-3523](tel:718-745-3523), arabamericanny.org
 - Council on American-Islamic Relations of New York: [646-665-7599](tel:646-665-7599), cair-ny.org
 - Muslim Community Network: [347-519-2755](tel:347-519-2755), mcnny.org
- Watu wenye ulemavu
 - Center for Disability Rights: [585-546-7510](tel:585-546-7510), cdrnys.org
 - Disability Rights New York: [518-432-7861](tel:518-432-7861), drny.org
- Hispanic/Latino
 - Hispanic Federation: [866-432-9832](tel:866-432-9832), hispanicfederation.org
 - Latino Commission on AIDS: [212-584-9325](tel:212-584-9325), latinoaids.org
 - Mixteca: [718-965-4795](tel:718-965-4795), mixteca.org
 - TransLatinx: [646-882-2000](tel:646-882-2000), translatinxnetwork.org
- LGBTQ+
 - Caribbean Equality Project: [347-709-3179](tel:347-709-3179), caribbeanequalityproject.org
 - Gay, Lesbian, Bisexual and Transgender Community Center: [212-620-7310](tel:212-620-7310), gaycenter.org
 - New York City Gay and Lesbian Anti-Violence Project: [212-714-1141](tel:212-714-1141), avp.org
- Native American na Alaska Native
 - American Indian Community House: [646-575-3638](tel:646-575-3638), aich.org
 - North American Indigenous Center of New York: [516-930-0302](tel:516-930-0302), naicny.org

Taarifa zinazopatikana NYS



Ofisi ya Upatikanaji wa Lugha ya NYS (Jimbo la New York)

- Ofisi ya Upatikanaji wa Lugha ya NYS inasimamia upatikanaji wa huduma za lugha kwa mamilioni wa wakazi wa New York wasio na ustadi kamili wa lugha ya Kiingereza.
- Kufahamu haki zako za kupata huduma za ukalimani na tafsiri, tembelea ogs.ny.gov/know-your-rights
- Kufaili malalamiko kuhusu upatikanaji wa lugha, tembelea languageaccess.ny.gov/en-US.
- Kupokea toolkit (mkusanyiko wa zana) ya upatikanaji wa lugha, au kuomba toolkit ya ukalimani, uwasilishe hojani kwa mashirika ya utetezi survey.alchemer.com/s3/8252338/OLA-Questionnaire

NYS Ofisi ya Wamarekani Wapya

- Ikiwa wewe au mtu unayemfahamu anahitaji msaada wa bure wa kisheria, piga simu ya bure [1-800-566-7636](tel:1-800-566-7636). Taarifa zote zitatunzwa kwa usiri. Msaada unatolewa kwa zaidi ya lugha 200.

NYS Kitengo cha Afya

- Tuma maombi ya bima ya afya: piga [1-855-355-5777](tel:1-855-355-5777) au tembelea nystateofhealth.ny.gov.

NYS Ofisi ya Afya ya Akili

- Kwa taarifa zaidi kuhusu huduma za matibabu ya afya ya akili au kupata mhudumu wa matibabu ya afya ya akili, piga [1-800-597-8481](tel:1-800-597-8481) au tembelea omh.ny.gov.
- Huduma ya Kitaifa ya Kuzuia Kujiua: Ikiwa maisha yako au ya mtu unayemfahamu yako hatarini, piga 911. Ikiwa uko hali ya hatari au unahitaji msaada wa haraka, piga [1-800-273-8255](tel:1-800-273-8255) au tuma SMS "GOT5" kwenda 741-741.

NYS Ofisi ya Kuzuia Unyanyasaji wa Kijinsia

- Iwapo wewe au mtu mwingine aliye katika mahusiano ananyanyaswa na mtu mwingine kwa maneno, vitendo au kingono, au unyanyasaji wa aina nyingine, piga simu ya bure Ofisi ya NYS inayoshughulikia Unyanyasaji wa Kijinsia [1-800-942-6906](tel:1-800-942-6906).
- Kuzungumza na mshauri kwa njia ya mtandao, tembelea opdv.ny.gov. Inapatikana 24/7 katika lugha mbalimbali.

NYS Kitengo cha Kazi

- Kitengo cha Kazi kimejikita katika kulinda usalama wa wafanyakazi pamoja na afya, malipo/mishahara na mazingira mazuri za kazi.
- Kwa taarifa kuhusu sheria zinazohusu maslahi na masaa ya kazi, afya na usalama wa wafanyakazi, au kutuma malalamiko, piga [1-888-469-7365](tel:1-888-469-7365) au tembelea dol.ny.gov/safety-and-health
- Kwa msaada wa Bima ya Kukosa Ajira, piga [1-888-209-8124](tel:1-888-209-8124) au tembelea dol.ny.gov/unemployment/unemployment-insurance-assistance.

NYS Kitengo cha Haki za Binadamu

- Sheria ya Haki za Binadamu ya New York inakataza ubaguzi katika ajira, makazi, mikopo, elimu, na haki ya kuwepo sehemu za umma, kwa sababu ya umri, uasilu, utaifa, jinsia, mwelekeo wa kijinsi, jinsi, ndoa, ulemavu, uanajeshi, na kadhalika.
- Ikiwa unahisi umebaguliwa, tuma malalamiko [1-888-392-3644](tel:1-888-392-3644) au tembelea dhr.ny.gov.

NYS Makazi

- Kwa msaada wa kutafuta makazi ya bei nafuu, piga [1-877-428-8844](tel:1-877-428-8844) au tembelea nyhousingsearch.gov.
- Kwa taarifa ya jinsi ya kushiriki kwenye bahati nasibu ya kupata makazi kwa bei nafuu katika jiji la New York, piga [212-863-7990](tel:212-863-7990) or visit housingconnect.nyc.gov.
- Kwa taarifa kuhusu haki za wapangaji kwenye Jimbo la New York, tembelea ag.ny.gov/publications/residential-tenants-rights-guide.

Ofisi ya Huduma za Wahanga ya NYS

- Iwapo wewe au mtu unayemfahamu ni mhanga wa uhalifu wa chuki, Ofisi ya Huduma za Wahanga ya NYS inaweza kusaidia kulipa gharama za huduma za matibabu na ushauri nasaha, malipo yaliyopotea, na msaada wa aina nyingine.
- Piga [1-800-247-8035](tel:1-800-247-8035) au tembelea ovs.ny.gov kwa taarifa zaidi.

Kusoma taarifa hii mtandaoni au kwa lugha nyingine, tembelea nyic.org/KYR or skani kodi hii:



Iwapo una swali lolote au maoni kuhusu nyenzo au taarifa ndani yake, tafadhali wasiliana na:
Bryan Lee – blee@nyic.org

Shirikisho la Wahamiaji wa New York (NYIC) ni sera jumuishi na shirika la utetezi linalowakilisha zaidi ya makundi 200 yanayotetea haki za wahamiaji na wakimbizi waliopo New York.

Tunaiona New York iliyo imara zaidi kwa sababu watu wote wanakaribishwa, wanahudumiwa kwa usawa na wanapewa nafasi ya kufikia ndoto zao. Dhima yetu ni kuwaunganisha wahamiaji, wanajamii na wadau ili wakazi wote wa New York wote waweze kustawi.



New York Immigration Coalition

131 W 33rd St, Ste 610
New York, NY 10001
212 627 2227
nyic.org